

Izjava OHR-a na konferenciji za medije međunarodnih organizacija u Mostaru

Budžet je od ključne važnosti za grad

OHR želi primjetiti sa zabrinutošću, da iako je već april, grad Mostar još nije usvojio budžet za 2006, dok je većina općina u BiH to već uradila. Mi pozivamo gradsku upravu da finalizira izbalansiran nacrt budžeta i da ga preda gradskom vijeću što je prije moguće.

Kao što znate gradska administrativna tijela ove godine funkcionišu na osnovu odluke o privremenom finansiranju. Ova odluka je istekla krajem marta. Ukoliko grad želi dalje da funkcionise budžet mora biti usvojen.

Vjerujemo da ne treba podsjećati gradske zvaničnike na tešku situaciju od prošle godine, kada budžet nije bio usvojen do juna.

OHR poziva političke stranke u Mostaru da ostave po strani svoje različite stavove, kako bi se usvojio budžet, i kako bi Gradska uprava mogla nastaviti da služi interesima građana.

Viši zamjenik Visokog predstavnika Peter Bas-Backer u posjetu Mostaru

Viši zamjenik Visokog predstavnika Peter Bas-Backer posjetit će Mostar u četvrtak 6. travnja/aprila. Veleposlanik Bas-Backer će se ujutro sresti s gradonačelnikom Mostara Ljubom Bešlićem i predsjednikom Gradskoga vijeća Mostara Muratom Ćorićem.

Veleposlanik Bas-Backer će potom obaviti duži razgovor s

predstavnicima civilnoga društva u Nansen Dijalog Centru. Težište razgovora će biti na napretku koji je postignut u uspostavljanju “Mostarske platforme” – institucionalni i sustavni mehanizam za komunikaciju između gradskih vlasti, predstavnika nevladinoga i gospodarskog sektora.

Nakon ovoga, viši zamjenik Visokog predstavnika će sudjelovati u raspravi “Dvosmjerna ulica”, u kojoj će mladi Mostara imati mogućnost postavljati mu pitanja o njegovome radu i dužnostima.

Detalji o prilikama za medije su u obavijesti za medije koju sam vam donijela